



Broj:09-20/1-11-2-1976-II
Dana: 15.11.2021 godine

Na osnovu člana 43., i 45., Zakona o unutrašnjim poslovima Federacije Bosne i Hercegovine („Sl. novine Federacije BiH“ broj: 81/14), člana 25., 69., i 70., Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje otvorenih postupaka nabavke u 2021. godini, zamjenik direktora Federalne uprave policije d o n o s i:

O D L U K U

o poništenju postupka Javne nabavke kancelarijskog i laboratorijskog namještaja, metalnih kasa i ormara i to za LOT-2 – nabavka laboratorijskog namještaja

Na osnovu obavještenja o nabavci broj:1412-1-1-209-3-113/21 objavljenom u Službenom glasniku BiH broj: 59/21 od 24.09.2021 godine, proveden je otvoreni postupak.

1. Za predmetnu javnu nabavku pristigle su dvije ponude i to od pravnog lica „EUROLAB“ d.o.o. Bijeljina i „ADUT PLUS“ d.o.o. Banja Luka što je konstatovano u Zapisniku o otvaranju ponuda od 08.10.2021 godine.
2. Pregledom dostavljenih specifikacija utvrđeno da je ponuda ponuđača „ADUT PLUS“ d.o.o. Banja Luka nepotpuna iz razloga što isti u prijedlogu/nacrtu Ugovora nisu unijeli/upisali podatke iz svoje ponude, kako je to kao obaveza predviđeno članom 27., tenderske dokumentacije, dok je ponuda ponuđača „EUROLAB“ d.o.o. Bijeljina sa ponuđenom cijenom 13.221,00 KM bez PDV-om znatno viša od procjenjene vrijednosti za LOT 2 (procjenjena vrijednost nabavke 4.273,50 KM bez PDV-a) što je konstatovao u Zapisniku o pregledu i ocjeni ponuda broj:20/1-11-2-1976 od 01.11.2021 godine.
3. Shodno članu 69., stav 2., tačka d., Zakona o javnim nabavkama BiH, ugovorni organ donosi Odluku o poništenju postupka javne nabavke laboratorijskog namještaja.
4. Odluka stupa na snagu sa danom donošenja.

OBRAZLOŽENJE

Komisija za provođenje otvorenih postupaka nabavke za 2021. godinu, imenovana Rješenjem zamjenika direktora Federalne uprave policije, broj: 09-19/1-30-2-207 od 18.03.2021. godine, je postupala shodno obavještenju o nabavci broj: 1412-1-1-209-3-113/21, objavljen u „Službenom glasniku BiH“ broj:59/21 od 24.09.2021 godine, kojom prilikom je proveden otvoreni postupak Javne nabavke kancelarijskog i laboratorijskog namještaja, metalnih kasa i ormara i to za LOT-2 – nabavka laboratorijskog namještaja.

Dana 08.10.2021. godine, izvršeno je otvaranje ponuda o čemu je sačinjen Zapisnik u kojem su uneseni svi elementi predviđeni članom 63., stav 4., i 5., ZJN BiH.

Komisija je dana 01.11.2021 godine, održala radni sastanak na kojem je konstatovano da su za LOT 2, pristigle dvije ponude i to od ponuđača „ADUT PLUS“ d.o.o. Banja Luka i „EUROLAB“ d.o.o. Bijeljina, gdje je konstatovano da je ponuda „ADUT PLUS“ d.o.o. Banja Luka nepotpuna iz razloga što isti u prijedlogu/ nacrtu Ugovora nisu unijeli podatke iz svoje ponude shodno članu 27., TD, gdje je navedeno „Ponuđači su dužni uz ponudu dostaviti prijedlog ugovora u koji su unijeli podatke iz svoje ponude“ odnosno **što isti u članu 2., Nacrta ugovora nisu upisali ukupnu cijenu za robu iz člana 1., Ugovora (sa PDV-om) kao ni jediničnu i ukupnu cijenu koja je iskazana u Aneksu II (obrazac za cijenu ponude)** koja čini sastavni dio ugovora dok je za ponuda ponuđača „EUROLAB“ d.o.o. Bijeljina sa ponuđenom cijenom 13.221,00 KM bez PDV-om Komisija konstatovala da je znatno viša od procjenjene vrijednosti za LOT 2 koja iznosi 4.273,50 KM bez PDV-a te je shodno navedenom Komisija predložila poništenje postupka nabavke za LOT 2.

Pravna pouka: Protiv ove Odluke može se podnijeti žalba ugovornom organu, Federalnoj upravi policije u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**

Ensad Korman



Dostaviti:

- Sektor za mat. fin. poslove
- ponuđačima
- u spis